

安雅堂文集

序

余於萊陽宋君玉叔蓋兩
世通籍也其先人太僕公
文章吏治炳炳烺烺光前
燦後者吾姑勿贅若玉叔

以名魁捷春榜其古今文
詞膾炙人口奚啻洛陽紙
貴洵

興朝第一名流哉先是起家
曹郎繼晉銓司未幾備兵

三韓分藩東浙已而總浙
之外臺所在宦聲赫奕又
與其文名並播海內焉今
年來吳門出其所爲安雅
堂集問序于余余展而讀

之其思深其識宏其慮遠
其情長其氣清以厚其調
雋以永其格嚴以老其言
確以質殆有如懷沙遠遊
屈子悲憤之所感乎何其

沉摯而淒婉也有如歷衡
湘越龍門周遊歷覽司馬
子長抑鬱太息之所作乎
何其激昂而雄肆也抑亦
若柳州眉山流離困頓備

嘗險阻之所寄託而發爲
文詞乎何其峻潔而曠達
也嗚呼王叔真奇人也其
境遇奇其詩文奇其流盼
動腕訂古攷今無一之不

奇也凡一生之嶽崎坎壈
皆其觸發性靈磨礪學問
與夫洞徹聖賢義理之處
歐陽永叔所云愈窮則愈
工非詩文能窮人殆窮者

而後工也其玉叔之謂歟
然窮極則通玉叔之窮有
止境而詩文無止境也方

今

大化維新海內平治其必有

二三大儒攬經國之訏謨
敷保邦之偉畧委蛇

入告上以日新

聖學下以周達民隱又或進
而登著作之庭叅論思之

席出入承明興禮和樂作
爲篇什以發皇至治則安
雅之爲集也非止崢嶸峻
峭震耀一時之文而且爲
雍容愉怡廟堂金玉之文

也宋君其裕之矣余故知
之深而信之篤者請以茲
言爲他日券

康熙丙午孟秋年家舊治
生金之俊拜題

序

禹航趙 所撰

國家右文蔽周京而上中外才藻綺文
霞興猶十二章罔不登衮先生實為五
色領黼黻盛平厯今有年所讀先生文
者相率曰今韓愈也雖然是能讀先生

文未必能盡知先生文者所未能盡讀
先生文然自許能知先生文者蓋亦未
嘗不謂先生今韓愈也人之推韓以唐
承六朝文救貞觀迄天寶凡二變而繁
艷靡縟尚未殫且彌韓才如潮文卓二
有樹立一復於古先生所承文救與六

朝埒先生才如潮文卓二有樹立天下
知為古文前韓後宋庶新學小生便可
牽入左馬堂興不知韓於文非僅規二
左馬要皆根抵六經祈正人心原其操
管從事唯大暢乎周公孔子之旨豈欲
以文詞角長短於今古已哉今頌其起

衰之文而不察其任道之力雖能讀韓
文未必能盡知韓雖能讀先生文未必
能盡知先生一也先生近纂古文益醇
肆其任道之力初終不異韓為之讀藏
經殿碑百哉淵乎猶未也其寓有先王
之教之思乎耕德與傳經堂想二園記

何善言孝也不忘其先凡為子孫不油
然興乎愛山臺銘藝香詞序百哉蕩乎
樂而不淫其同民矣乎亭臯之序友生
可盛苓而易節乎序武伯詩送去驕歸
序學者必有師其能負乎序尚木詩莫
如兄弟可忘棣萼乎歲星堂序此之謂

思賢夫思則好之至也序家本義旨哉
渢渢乎大而不踈精而不滯理學之涯
宿也題百牛圖於善牧得治民之理焉
試懸之通邑大都讀者擬其碑用意類
韓與潮州大顛曹古題神似韓畫記孰
知每誦一篇皆有係名教如此二所之

韓愈先生者倘滕於人之韓愈先生矣
乎

序

婁東黃與堅撰

戊申十一月余與宋荔裳先生過於吳興相與論古文之道執手鄭重繼以歎息已盡出其安雅堂文集示余屬為序余受以卒讀喟然曰先生之所作其幾

於道矣乎夫君子之所貴乎文者以其
根乎心止乎理與義而可以我之說風
厲於世也士抱有為之才為國家激揚
奮勵使我之生平共然有所樹立而萬
物之氣亦宣望而無堙鬱其退而有言
也亦必舉天下綱紀之大別其可否正

其是非使聞之者足以垂訓而立戒而
我之說始無媿焉蓋言之繫於人如是
其重且鉅故不可以苟為也世之為文
者不知所本徒以卮詞釀說取悅於世
此世之所謂文非我之所謂文也孟子
之論知言也曰生於其心害於其政發

於其政害於其事言者心之華政事之
根柢而所謂文也豈其枝葉乎哉先生
讀書好古服聖賢之教而又駁應中外
深識當世之故舉治術之平陂人心之
邪正盤積於胸中而旁引側出具於其
文宜其激印倣儻足以增長天下文人

之氣而推其大要仍然根本之為也司
馬遷之文重死生薄名節率以所遭之
屈抑而是非詭激繆於聖人若先生中
遭嶮巇摧挫磨折而識以益精力以益
定所與者必道之所予也所不與者必
道之所不予也誠如是先生之文固以

道為師豈猶夫輅夫暨子沾二於字句
自以為能言者哉而或以先生卓犖之
故徒取史遷之感憤矜嘆其為文亦末
矣不觀之草木乎松栢之姿歲久不彫
木槿之華朝而榮夕而苓落者有本與
無本之別也惟余之知乎此也少為華

詞晚而盡棄之學二焉與少進於道讀
先生文甚有契乎余之指故書以為序
與先生之於道也卒成之而余亦益以
自勉已耳

序

黃岡杜濬撰

文章重物也非有絕人之力者鮮克舉
之博稽載籍惟聖人之文其為力也如
陰陽之運四時如江河之載舟楫有不
可知者存乎其間焉其力神矣下此才

智之士以能文稱者如左丘明莊周荀況司馬遷劉向班固韓愈歐陽修蘇洵王安石之徒度其力皆萬人敵是用能舉其文此其非可以假借而僥倖者也而或者疑力之一說不足以盡文不知文備衆美然非力末由臻也嘗譬之武

事今夫有百斤之椎于此器之甚重者
也將使夫力不若器者舉之無勝任之
理也將使夫力與器等者舉之則僅足
以舉之而已不能用也必也使夫力優
於器者舉之然後運用如意馳騁搏擊
應乎規矩飄忽變幻不可為端倪人咸

歎其藝之精而彼力弱者曾不能然也
則可知能然之由乎力矣孟子曰知譬
則巧也聖譬則力也其至爾力也其中
非爾力也然射義論射貴持弓矢審固
夫審與固全繫乎力力所以運巧則謂
中非爾力豈說之不易者耶文章之道

不然善作者有適古跌宕之音有典則
天成之格有壯涼震動之節有馳驟呼
應之勢其思沉着而要眇其韻飄逸而
端正使諷者油然生忠孝禮義之心焉
可謂備美矣然向使非力有餘地則不
如百斤之椎僅能舉之而索然氣盡烏

能從容以畢能事乎故夫力不足者有
二患或疲薺而不振或呌號而怒張其
為力不足均也真有力者舉百鈞如揖
讓則可與言勇矣蓋當世有宋公荔裳
之文屬余讀而序之其文雄駿而精切
色舉氣勢按之有故而出之有本端見

而格已就篇終而致益深傑然足以奄
有衆美而追古作者之盛也此無他惟
其有絕人之力故耳且夫宋公以詩名
噪區夏久矣今讀其文如無詩此其力
為何如哉

安雅堂文集目錄

第一卷

周釜山詩序

梁太保菊花倡和詩序

亭臯詩序

嚴武伯詩序

趙雍客詩序

尚木兄詩序

董闥石詩序

徐伯調歲星堂集序

胥永公詩序

李鏡月廬游詩序

柯烜菴詩序

黃霽芝詩序

吳蘭次藝香詞序

越辰六詩序

蕭五雲豫章紀游詩序

王雪洲詩序

宋容菴四書本義序

紀行詩書

吳六益詩序

董蒼水詩序

王季友詩序

周鷹垂詩序

趙雙白詩序

沈伊在詩序

嵇石二生倡和詩序

杜伶詩序

第二卷

趙雍客壽序

張升渠初度及太夫人壽序

錢寶汾太夫人壽序

賀徐封翁九十有一壽序

賀鄧元昭舉第八子序

劉翁壽序

感恩祝頌圖序

送胡去驕歸武陵序

重建藏經殿碑記

耕德堂記

想想園記

傳經堂記

重修寶石山山門殿宇碑記

溧水縣中山祠碑

梅花蟹蟲記

湖上奇雲記

王和陽先生傳

冉公子傳

愛山臺銘

題周櫟園所藏近代名人畫冊

題牧仲弟所藏曹古百牛圖

通議大夫內翰林國史院學士胡此菴先生
墓誌銘

唐容齋行狀

祭相國金太傅文

安雅堂文集卷之一

來陽朱 琬菴著

周釜山詩序

明詩一盛于弘治而李空同何大復爲之冠再盛于嘉靖而李于鱗王元美爲之冠余嘗以爲前七子唐之陳杜沈宋也後七子唐之高岑王孟也萬曆以降學者紛然波靡于是鍾譚二子起而承其樊跡其本初亦云救也而海內之言詩者遂至以王李爲諱譬如治河者不咎尾閭之汎濫廼欲剗崑崙而壅星宿不亦過乎雲間之學始于幾社陳臥子李舒章有廓

清摧陷之功於是北地信陽濟南婁東之言復爲天下所信從顧其持論過狹泥于濟南唐無古詩之說自杜少陵無家垂老北征諸作皆棄而不錄以爲非漢魏之音也往在京師與舒章抗論反覆以爲專宗漢魏何如上溯雅南然試取漢魏以下四言詩讀之筋弛肉緩不終篇而思臥矣此無他時爲之也舒章始若不相下旣而曰子言是也順治丁亥余與直方宗弟同舉進士而直方官比部尚書郎越二年己丑直方告余曰吾同官有二人焉一爲周子釜山一爲施子愚山則相與爲交驩相得也耶署多暇暇車馬

馬君過從飲酒賦詩爲樂雖大風雪弗輟也三子者
旣各負俊才而此部又爲王李諸君子之所曾游當
時所稱白雲樓詩卽其地也一時都下盛傳謂復見
先輩風流居亡何先後外補余方有治獄之役鞅掌
無寧晷而釜山守括州天下佳山水處也爲治不尚
威嚴括人歌思之至今一旦以左遷解印綬遂絕口
不言仕進歸而檢諸囊中惟詩篇數十卷耳丁未冬
予寄帑于泖上因得傾篋倒笈縱觀而激賞之曰此
非王李之詩而真漢魏之詩也假令舒章見之當爲
歎息退舍而惜乎墓木拱矣卽直方亦且有宿草之

痛焉其視栖遲郎署論文燕市之日俛仰之間二十
有二年矣能不悲哉能不悲哉夫文章之興必於一
二人焉是賴雲間之詩得金山而益彰愚山方且盛
張壇坫主盟宛陵敬亭之間余也生濟南桑梓之鄉
當聲華刊落之後無能步趨黽勉自成一家之言道
與遇並窮而學與年俱衰此昔人之所大懼也若乃
審其音節按其指歸竊比天惠施之於莊子則庶乎
其無愧焉前以質之愚山

梁大保菊花倡和詩序

大將軍太保梁公坐鎮南服八載有餘海波不揚民
用無事廼於射堂之西偏爲圃焉以莪菊疏培灌溉
不失其時凡種之異者必購而致之秋日變清繁英
纔籬紺紫朱素之客含霜裊露之狀公與賓客宴賞
賦詩歲以爲常諸大夫從而和之者幾滿篋笥客有
釀酒而歎者曰菊之爲物也介而貞類乎山林學道
之士故惟幽人逸士往往得而有之一旦分檠戟之
光輝蒙君侯之顧盼廼得呈恣盡態百種千名若忘
其山林枯寂之樂而艷乎鐘鼎富貴之榮者豈非卉

木之微亦以見悅於人爲幸而頓移其性歟抑山陬
水涯別有其類而非繩樞蓬戶所得而致歟余曰不
然兵興以來物之失其性者多矣已亥江上之捷惟
太保功最高曆將一紀江以南無犬吠之驚朕後士
安於庠序農歌於隴畝六尺以上公所長也頒白之
老公所養也採於山草天而木喬漁於澤魚物而蟹
肥公乃於投壺嘯咏之外寓其心於分畦剪葉之餘
而茲菊也亦遂發榮條暢不自知其姿容之畢出也
善乎杜少陵之贈何將軍也不言其赳桓克敵之威
而誇其雨沉苔臥之美蓋金戈鐵馬不得已而一試

而太平無事之福受其賜者人或忽而不知也朕則
公之爲此樂也豈徒卉木之榮而已乎諸大夫曰善
遂書以爲菊花倡和詩序

亭臯詩序

吾友長沙趙友沂楚才子也其尊人洞門先生三爲御史大夫友沂以貴公子客京師眉目如畫觀者比之衛玠出入騶從甚都顧好折節天下士不憚傾身爲之意所不合雖盛勢不屑也四方知名之士多與之游友沂居嘗語予曰吾聞天下人衆矣廣陵吳蘭次吾畏友也當大人柄用時車馬輻輳望塵者接踵於道及罷歸出國門送者纔三數人其名還也前去者復來如初蘭次獨落落然不以欣戚改觀大人每目送之曰他日吾百年後終當賴此人力予雖未識

蘭次心嚮慕焉比予備員盧龍蘭次友沂同爲中書舍人合肥龔芝麓先生方左遷國子典簿更倡迭和一時流傳塞上余受而評之友沂之詩放而疎蘭次之詩藻而密至其妍姿壯采友沂似不如也十餘年來友沂不幸早世而先生亦以愛子之痛歿於客邸兩孫惻惻孤露賴蘭次哀而振之撫其幼者如子而字以愛女至於今且舞象矣嗚呼交道之薄匪獨今也詩三百篇言夫婦朋友者居半而往往歎其鮮終谷風之刺是已至于任昉死而東里西華不免葛巾線襖動劉孝標之太息朕使孝標而在今日則交

不勝絕而論且不勝著矣可不歎哉蘭次慷慨義烈
此事已足千古而其詩乃愈益進麗矣而必歸於雅
博矣而必造於微視昔盧龍塞上所誦駸駸乎大有
異焉今友沂墓有宿草其遺文在篋笥者貌諸孤能
藏弄之不苓落否即使篇什具存已不能與蘭次今
日之作並驅而方駕矣豈非其年爲之哉余友沂友
也因友沂知蘭次今乃讀其詩親覩其行誼卓卓若
此旣痛友沂復歎先生之知人嗚呼盛衰存亡之感
可釋狀而無憾矣

嚴武伯詩序

虞山錢牧齋先生以先朝耆宿操海內文章之柄者四十餘年所著初學集海內爭傳誦之暮年稍涉顏唐又喜引用稗官釋典諸書於是後進之好事者摘其纖疵微瑕相訾謗以爲口實狀而夏后之璜不無徑寸之考固不害其爲天球弘璧也歲辛丑先生顧余於湖上辟呬之暇語及當代人物先生曰吾虞有嚴生武伯者縱橫迭宕其才未易當也越乙巳始與武伯定交於吳門而先生之撒琴瑟已再閏矣武伯身長八尺眉宇軒軒驟見之或以爲燕趙間俠客壯

士也酒酣以往爲言先生下世後其族人某先生平日遇之甚恩厚一旦妄意室中之藏糾合亡賴少年囂於先生愛妾之室所謂河東君者誦厲萬端迫令自殺武伯不勝其憤鳴鼓草檄以聲厥罪其人大慙無所容聆其言坐客無不髮上指者嗚呼何其壯哉居平鬱鬱不自得則去而之京師出居庸關經蟬翠峽爰及上谷雲中所至輒下馬賦詩大司馬合肥龔公甚激賞之而沛人閻古古者方爲龔公上客且儼狀武伯父執也閻生老矣而狂益甚往往罵其坐人不少忌而獨心善武伯故其倡和之詩尤最多予讀

之頗以不得預於其間爲恨一日飲酒漏三鼓武伯出牧齋先生文一篇示余相與辯論往復不中意武伯鬚髯盡張如蜩毛欲擲鐵燈檠於地者再厥明酒醒相視而笑曰夜來真大醉也雖狂者之態固狀乎其護師門如干城不以死生易心良足多也昔者楊子雲歿世人未之奇也獨其門人侯芭以爲玄過周易芭之文采不少概見卒賴此一言以傳況武伯之卓然名家者乎若其馳騁豪縱之氣飛揚蹈厲之才覽者當自得之余惟不文終未能繪其一二也

夏后璜不憂徑寸之考圖不害
其天球弘璧也

趙雍客詩序

往在京師與施愚山諸君子以詩學相切劘因而有
燕臺七子之刻嚴給諫顥亭丁儀部飛濤陳布衣胤
情皆杭人也三人者嘗爲余言禹航有趙雍客者工
爲詩其取材也博其立格也嚴自貞觀大曆以後之
詩落落狀不屑以爲其雄深銳往之氣吾輩當逡巡
避之惜乎子之未見其人也去年客武林始得交雍
客而讀其詩於是慨狀太息服三子之知言夫詩之
有初盛中晚也猶風雅之有正變也運會遷流作者
初不自知而其畛域判狀如寒暑黑白之不可淆自

虞山之詩選出而學者無所折其衷其言曰詩一而
已無所爲初盛中晚也於是心耳淺薄之士往往奉
爲菁蔡以平膚汗漫爲容與以便儂麤率爲簡易以
裨官俚說里巷卑瑣之音爲典要率天下而出於是
豈復有詩也哉夫季札吳之賢公子也適魯觀樂知
列國之興亡而自郇以下無譏焉非以其音寒節促
與清明廣大者異耶今三百篇之次第具在也韓嬰
申公之訓傳毛萇弘之箋敘若網在綱秩狀不紊
試取群羊墳首以配魴魚頰尾蟬蛸鴝羽以配鸛虞
鵲巢十月之交與夫民勞板蕩以配生民旱麓卷阿

洞酌曰此亦風也雅也何正變之有雖三尺之子亦且知其不可也假令起貞元以後之人使之與陳張沈宋高岑儲孟之徒操觚而校其優劣吾固知其瞿狀而避席矣雍客以盛年負雋才生當國家昌明之運其持論與余合也故爲是言以告之雖狀凡說之新且異者往往足以移人吾黨之士或有不免者矣懼余與雍客之不堅也則相與勉之而已

尚木見詩序

三十年來海內言文章者必歸雲間方是時陳夏徐李諸君子實主齊盟而皆以予兄尚木爲質的復有子建直方爲之列翼於是詩學大昌一洗公安竟陵之陋而復見黃初建安開元大曆之風所謂雲間幾社者皆朋友倡和雞鳴風雨之作何其盛也戊子以後予與直方同宦京師君與其武少參未起也各刻其所爲詩二百餘篇而以子建冠之所謂棣萼詩集者皆吾兄弟一家之言頃吹篪應又何盛也歲乙未詔起君田間拜儀部尚書郎其武徵爲翰林編修而

直方則洊歷卿丞獨余偃蹇塞垣每以不得與於倡和爲憾居亡何君與其武先後外補或在嶺表或在江右而余以仇家羅織首尾四載而獄始解郵筒往來未嘗不喟然流涕以人生聚散禍福之不常爲足嘆也今年春余客雲間君以書來并其潮州新詩若干篇示余曰此吾他日嶺南歸裝也爾其爲我序之夫潮之爲州在東南萬里外唐人視爲蠻煙瘴海若不可一朝居者韓退之爲刺史時爲民害者纔一鱷魚驅而遠之斯已耳今潮之爲潮何如耶始君之領是州也人人咸以道險且遠爲君憂今爲政八年而

吏民安之君亦忘其險且遠者乃能於樓船四集務
書蠡午之日馳騁於風雅翰墨之間匪獨詩之足傳
也則其政事之克舉從可知矣嗟乎三數年來予建
直方相繼化爲異物其武亦臥病里居余雖幸而無
恙其不病且死者幾何感衰老之侵尋悼友于之凋
謝俛仰之間有足悲者而君方以文章政事歸狀爲
吾宗之望池塘春艸之句君其能勿夢乎披攬斯文
又當慨狀而累嘆也已

董園石詩序

松江之山有九而機山其一也望之如培塿狀未始有巉巖殊絕之觀也晉陸機兄弟嘗讀書其中後人因而名之則山川之重豈不以人哉夫三陸之在當年其先世勲勞闢闢爲江東之冠而其兄弟尤以文章顯入洛之後聲名藉甚張壯武以中原耆舊一見倒屣狀而子惠才多之言不可謂非對症之鍼砭也及夫建春門之敗愴狀思華亭之鶴唳而不可得良足悲也跡其所以雖由寺人孟玖之譖惜其蹇裳濡足不引退於賦扶風豪士之日如張翰之明決也嗟

乎士亦患無才耳有才而所以處其才者爲尤難進
士董君闔石與其弟孝廉蒼水雲間世家也當宗伯
少宰兩先生周喪之後乃能聯翩鵲起克繩祖武入
以爲今之二陸也亡何以通賦微嘗同時被斥者甚
衆董君自以盛年見廢清時旣已嘿不自得而其家
徒四壁立於是愈益無慘幽憂怊傺酒酣以往悲歌
慷慨遇夫高山廣谷精藍名梵喬松嘉卉草蟲沙鳥
凡可以解其鬱陶者莫不有詩而其詩亦含弘溫厚
異乎人之狂呻病囁者余嘗讀其憫離諸什傷慈氏
哀鮮民仁孝之人其言藹如也駸駸乎蓼莪小雅之

遺音矣夫董君雖舉進士顧其格當爲令也獨不見
今之爲令者乎假令董君不以一眚斥卽謁選人得
善地能脂韋蒲伏以事大吏乎能咨趨嚮嚮何要人
之顏色乎能燔林竭澤腴民膏以自潤乎吾有以知
其不能也有如萬一得險遠殘創之區當輪蹄交道
之衝軍書麇至巷無居人芻蕘糗糒取辦俄頃雖龔
魯之才安所用之又烏在其不以一眚輒斥也耶董
君生崑山婉孌之鄉有藏書萬軸以備討論有橫山
泖澱之勝以資眺覽而又有兄弟朋友之樂相與上
下夫千古其視二陸兄弟所得爲已多矣而又何感

焉董君以其藝葵堂詩屬余序因而論之爲廣其意
以釋其憂

徐伯調歲星堂集序

余少讀山陰徐渭文而好之輒輒狀想慕其爲人歲
庚子以左叅政分守紹興過所謂青藤書屋者渭當
時讀書處也低徊歎息欲訪其墳墓而其子孫寥寥
殆盡紹之父老亦無能知其處矣夫渭之文險怪稟
元不盡合古人法度狀其精光氣馥不可廢也身雖
不遇乎得胡太保宗憲而事之草露布爲幕府上客
聲動公卿名聞天子丈夫至此豈不稱豪舉哉狀使
無石簀中郎兩先生表章於宰木旣拱之後則亦歸
於銷沉澌滅而已矣余友施愚山寓書於余曰山陰

有徐緘者渭之亞也余遣人招徐生久之竟不至此
余罷官客湖上徐生顧時時來相與盱衡抵掌抗言
今昔意所不合雖尊貴有氣勢者口期期不服也所
著歲星堂集若干卷縱橫辯博矩矱森整雖破除崖
岸而無險怪孱兀之態使其生與渭同時角材而校
其勝負白鹿表曷足爲徐生道哉徐生家在若耶鏡
湖之間其所居曰梅市漢梅福棲隱地也扁舟簪笠
弋釣自娛落落焉與世俗鮮有所諧故時人亦無知
徐生者其言曰文章非以悅俗不爲當世所罵則必
無後世之傳也余聞其說而避之因歎會稽山川名

勝聲自大禹以來高門懸薄甲第相望烏頭銀胸蔽
虧雲日皆一時之公卿大夫擢巍科而居顯秩者也
百餘年間灰飛電逝求其所爲卓然著書自成一家
者指未可一二儂而風流文藻乃在於布衣之兩徐
生雖遭遇各有不同而其文章之灼灼可傳無疑也
寓內之大不乏石簣中郎其人者數傳而後或當以
余爲知言徐生乎其亦可以自信矣乎是爲序

胥永公詩序

人之性情必有所寄無以寄之則繫鬱慘慄寒產於
邑如水之失防也汎濫潰決頽放而不能自止故昔
之通人高士往往內不自得有所托焉以埋其憂魏
無忌公子之最豪者也收趙以來飲醇酒近婦人可
謂達矣吾獨惜其不善爲詩故無單辭隻字之傳也
同年胥永公少負不羈之才筮仕爲邑令固已嘿嘿
不自得狀而姚江當會稽佳山水處又爾時令甲頗
寬故得優游觴咏人以爲有仙吏之風此入爲小司
空方稍稍見川矣而當塗者忌之遂掛冠歸永公年

未強仕鬱鬱無所發抒乃與二三少年及白門諸好事者游檀板么絃移商換羽參橫月落樂而忘疲人但知其脫略涯岸頽然自放而不知其中懷耿介尺寸不渝蓋有所寄焉而非佯狂玩世暫流也永公家在雞鳴山之麓小樓曲榭瀟灑可愛余嘗信宿齋中聽歌達曙其兄弟雍容百口同爨門以內井井如也退而歎息以爲賢者信不可測及讀其詩又何幽微峭勁一洗輕儇叫佻之陋是殆信陵公子之所不及而焉敬通見抵之後對孺人而顧稚子何其不善處愁也哉昔王之渙輩飲於旗亭間諸伶有度曲者皆

其平日所作黃河遠上白雲間之詞相與盡歡而罷
至今傳爲美談今永公所與游者度無不人人韓娥
秦青自爲者試取永公之詩按節而歌之必有遏雲
裂石之聲出於檀板么絃之外者惜乎余未能和也
若夫酒闌燈灺指摘其音節之當否曰某也善某也
不善則能之矣永公其許我否

李鏡月廬游詩序

人之於友朋也猶車之有軾也顧或限之以地阻之以事與勢意之所期有終身而不一見者矣幸而見焉往往晨歡夕別不克信信宿宿展卮酒之樂者有之豈惟友朋雖山川亦莫不狀意之所期有終身而不一至者矣幸而至焉或爲風雨寒暑干戈盜賊之故不暇解襪被而去者有之故古人贈答之篇於知己不數數見而登臨之作或在乎卑丘淺壑培塿岑勺之間夫二者之於造物何關乎而若或靳之乃若此可慨也李子鏡月窮而好游歲癸巳見之於京師

未幾別去言將有名山之游游必從廬山始余作詩
送之忽忽十有六年矣去年冬相見白門出其所爲
詩一卷曰此吾近游廬山作也子其爲我叙之夫李
子負山水癖而廬山尤爲江西之特出溯彭蠡以至
射陽不滿千餘里順風揚帆旦夕可至而乃遲之歲
月十有六年纔一快而登焉則夫越在山河之外無
舟楫檣櫓之便者其絕跡於東林之麓也宜矣雖狀
天下之爲廬山者不知凡幾而李子渺然一人之身
也不知李子之游將自茲而遂止耶抑青鞵布襪始
於今日而不以風雨寒暑輟其邁往之志耶吾友施

愚山官江西之廬陵數以書來招游廬山而盛稱李
子之詩爲茲山登臨之冠惜乎余之老且病焉腰腳
漸衰不能一往而覽其篇什如對五老之高寒而聽
飛流之倒瀉也視李子之所得爲孰多乎遂書以爲
序

柯煇菴詩序

丁未夏余再寓姑蘇之桃花塢唐解元伯虎之舊廬
在焉閑居忤懔又窘陰雨隣人張韞修善鼓琴因而
造焉爲彈洞庭秋月甫一再行覺波濤在屋梁間洗
洋澹蕩忽變而爲洶湧澎湃魚龍出沒之聲雖不必
身至君山而煙寒木落降帝子於北渚若將彷彿見
之而聞其環珮之琅琅也嗚呼異哉技至此乎韞修
曰予之爲此也有年矣始也喜爲嫵緩靡曼之音益
聽之而悅者嘗以百數既乃審知其非是於是屏思
慮捐寢食鍼心鉢智而爲之若恍若惚若滅若沒而

後純古淡蕩之音出焉朕聽之而悅者十無一二焉
知此解者其惟柯孝廉乎居亡何孝廉過我焉中童
子負紵絲囊二一貯玉淙琤之琴柯黃門素培有銘
在其背其一囊則孝廉所自爲詩也款風蕭瑟蟲語
淒咽孝廉迴與韞修各奏一曲宮商錯落不辨其爲
兩手讀其詩湯湯戔戔皆純古淡蕩之音而非婢緩
靡曼之聲詩也與琴通矣夫琴之爲藝尚矣究其精
微足以感頑聵動鬼神吾不知夫今人所彈有合於
古人之所爲否耶朕而無絃動操已足移人性情況
於成連伯牙之倫乎吾聞吳中兩洞庭差小於楚而

巖壑爲較勝其最高者爲縹緲峰扁舟蠟屐信宿可達孝廉試携雙紵囊造其巔而鼓之當有靈威丈人出而聽焉而石公林屋之奇丹楓朱橘之美皆可供登臨之樂翰也琬也不敏敬拄杖而從其後矣

黃霽芝詩序

秦淮之曲蓋有黃太常祠云建文時與方正學先生
首倡大議削諸王護衛權金川門之變與正學同時
俱族海內至今寃之二子匿民間事久得減死戍登
州衛余友黃霽芝其苗裔也霽芝尊甫崑岡先生嘗
以書生投筆著功邊陲忠臣之後人且將家子也自
其束髮以來卽以詩文自豪從軍絕塞心壯志得秦
關漢月雪蹟霜笳玉門楊柳之什隴水嗚咽之篇往
往於馬蹄盾鼻間得之三十年間居諸電逝霽芝屢
躋鹽車僅以明經高第謝去諸生貧而挾兔園冊不

憚走數千里爲人塾師出井陘歷鄜延上不宿冢游
無定河覽扶蘇蒙恬傳介子之遺跡宜其詩多秦聲
有小戎鐵駟之義焉今年春霽芝遇余於白門相與
登鳳凰臺已而酌酒太常祠下爲悲歌太息者久之
將別我歸登州奉其母夫人隱焉霽芝家蓬萊大海
之中日月所出入爲光明者也高閣百尋俯臨萬頃
憑闌而觀海市正此時也或以爲樓臺或以爲楫櫓
或以爲人馬車橋或以爲旌幢戈戟變幻儵忽莫不
善畫者莫能圖豈誠蜃氣所結而狀歟抑亦安期羨
門之徒狡僞而爲此欺罔之霽芝霽芝不能答歸而

得其情狀幸一一繪之於詩余將覽之以自娛焉

吳崗次藝香詞序

吳興山水秀絕東南而唐宋之間復多賢太守顏清臣蘇子瞻其最著已兩公幸常太平無事時得以優游閑適極登臨燕賞之娛其風流遺事宛在耳目之前而殘碑斷墨猶爲人寶惜愛玩而不忍棄近今以來時移勢殊兵燹之後繼以大獄雞連魚爛并屋榛墟鴛鴦不逞之徒因之以爲姦利其視刊章告密猶之乎檮蒲象戲也其陰詆長吏之短長而牽制之猶身爲家督而米鹽醢醬之出入皆得而覈問之也加以水衡大農會計之法日益嚴其大者飛芻茭輸稅

宿儲胥糗糒罔敢後時而細乃及於綾施茗薜角華
絲泉橘柚之包篠簞之榦莫不有程限焉差以纍黍
則譴訶立至而鼠雀之訟往往震驚幕府或牽牛以
蹊人之田官已更而獄猶未息也期會益繁凡符日
下催科而外所讀者司空城旦書耳嗟夫山川猶是
而風俗則非故今之爲太守者乃至忘鹽櫛廢賑興
輶張況瘁維日不足雖起清臣子瞻而爲之亦將廩
廩救過之不遑焉又奚暇登臨燕賞弄其柔翰也哉
吾友吳君菌次以水部郎出守吳興下車伊始廉得
郡中大猾主名單舸禽治不俄頃而殲之湖人歎聲

動天地政行晷月刑清而賦完放衙散帙蕭然洛誦
繩牀斐几燈火青熒吏人從屏戶間窺之不辨其爲
二千石者四方名士多從之游而又有道場浮玉銅
官顧渚與夫餘不罨畫蒼霄之勝以供其發抒以故
揮毫命屐幾遍巖壑而於填詞尤最工其吳興一闕
有曰詩瓢酒琰茶爐是湖中簿書嗚呼斯可以見其
志矣樂記言聲音之道與政事通蘭次丰采旣爲吏
民所畏愛而其長歌短令尤足以被管絃而宣金石
去武康百里而近有所謂前溪者非昔人歌舞地乎
斯編旣出當令青衣二八按拍而奏之相與樂斯民

之無事而消其咨嗟愁歎之聲者其道或由乎此也
區區引商刻羽云乎哉

越辰六詩序

余慕茗溪山水之勝泛挾獨游越孝廉辰六自廣陵
挈舟而來相與登道場諸山行歌互答顧而樂之居
無何辰六有天目之游歸而其道其峰巒洞壑之奇
復以積雪封徑路未得遂窮探之興爲憾吳興之去
禹航纔二百里而陰晴寒燠其不同如此則天目之
崇高邃遠從可知也辰六出其近所爲詩與天目紀
游數十篇示余俾爲之序余曰詩至今日而難言之
矣作者之與序者言人人殊言人人同也無已則請
以山喻可乎今夫穹狀而高者山之勢也幽挾而邃

曠狀而遠者山之曲也杳狀而深兀狀而險淵狀峭
狀哈呀而窈窕者山之巖窟洞壑也雖狀山其果盡
於是哉高者吾可攀梯縵索而登邃者吾可捫蘿挽
葛而人遠者吾可肩輿杖策而游淡且險者吾可排
猿獍犯虎豹懸繩乘炬足二分垂在外而下窺也哈
呀而窈窕者吾可寢食坐臥窮意象而求之丹青粉
黛按圖經而繪之也若夫朝嗽出而曉霞開時雨過
而輕靄集或縹或青忽紺忽紫遠而望之則空翠撲
人逼而視之則澹狀無色變化倏忽莫可端倪斯乃
山之正色昔人強名之曰翠微者不可以意象求不

可以丹青繪也辰六之詩秀而幽靜而不佻其容容
而迭蕩者有南山朝霽之象歸其靚深而巉削者有
峨眉天半之容焉取吾之論山者而況之何其相肖
也哉雖狀辰六家廣陵其先夜郎齊也以天目視吳
興已有陰晴寒燠之異况界在群剡萬里之外者哉
錦屏銅鼓之蒼寒香爐木杓之險怪視天目則又有
異焉狀而峰巒洞壑其不同也當亦如人之面而所
謂空濛蒼翠弗可以意象求者固將亘千載越萬里
而未之或殊也持是說以論辰六之詩辰六自此遠
矣今吳興太守吳公蘭次辰六丈人行也方以詩文

雄寓內而充精於山水之音請以爲質當不河漢乎
吾言也

蕭五雲豫章紀游詩序

天旣產名山巨浸則必生嶽岵歷落之人往往鑿之
羈愁窮餓假歲月之間以搜剔巖壑而發其光怪雄
奇磅礴鬱蒸之氣故名士未有不好游者太史公二
上而游江淮上會稽浮沅湘凡困鄱薛彭城過梁楚
以歸遷之文則傳矣顧其足跡所至山川風物之美
未嘗一見之於篇什何哉六朝以降若二謝之於永
嘉宣城杜甫柳宗元之於巴蜀柳州舉數千百年山
經水注沉埋淹抑前人所未發者悉於杖頭屨齒間
得之故吾以爲之數子之游百天也豫章山水爲東

南之冠游於其地者若王勃元稹李白白樂天之徒
其遺篇殘瀋遂與香爐瀑布並有千古越數百年而
吾友蕭子五雲躡屨來游游凡四十日共得詩文若
千首其超忽奇特則匡廬之疊嶂也其洗滌淳蓄則
彭蠡之波濤也五雲常爲廬陵太守解組後至不能
具饘粥迺其登臨之興老而益豪豈非天寶爲之俾
其羈愁窮餓以寫江山之勝而附於古之善游者耶
今五雲之游方未有已也雖被出門將有事於邯鄲
鉅鹿之間登叢臺以望太行之麓訪平原公子廉頗
閼相如之遺事今尚有存焉者乎他日歸來多悲歌

慷慨之作吾將執筑而和之焉

王雪洲詩序

昔者屈平旣放憂愁幽思而作離騷司馬子長斷之曰離騷之作蓋自怨生也怨也者忠孝之至而非憤恚懟怒之謂也今讀天問九歌遠游哀郢諸篇周覽上下窮極山川或目成於美人或含睇於山鬼纏綿悱惻超忽惝恍卽起三閭大夫而問之亦有不自知其爲何心者王雪洲給諫生於邾城蘭澤之間固屈大夫鄉人也余以甲辰冬杪遇之於吳山如舊相識敘述遭逢約略相類顧余頽唐偃蹇精已銷亡而雪洲方在盛年鬱鬱不自得宜其恫惓無聊有蹇產不

平之感也顧其意念蕭閑退然如靜姝寒士琳宮梵
舍山巔水涯禽蟲卉木雲岑烟樹所見無非詩者而
其詩亦純古淡薄無復顧額顰顙狂呻病嘆之音可
爲君子者也夫靈均當日未嘗歷九州之域也今雪
洲則渡錢江窺禹穴東臨吳會間闔閭黍札之遺跡
將溯大江而歸黃州焉江流斷岸山高月小夫非蘇
子瞻之所嘗躡屩而登臨者乎縱目騁懷當有得於
江山之助者惜乎予之未得再從以游也讀其詩又
未能和焉不亦淡可愧哉

宋容菴四書本義序

孔子曰仁者必有勇又曰不得中行而與之必也狂
狃乎余則以爲狂者之與勇蓋異名而同實力足以
奪三軍之麾而變色於嬰孺非勇也氣足以折萬乘
之威而喪志於俄頃非狂也夫惟激之不亢摧之不
撓陳同父所謂拓心胸於萬古推豪傑於一世斯足
當之而無愧焉嗚呼陽明旣沒理學之不明也久矣
吾師胡此菴先生毅狀以爲已任其講學憫忘寺也
四方之士環而聽者如堵墻先生嘗語人曰他日紹
明吾志者其惟二宋乎蓋一指容菴次則予小子琬

也當是時容菴方爲考功郎予亦濫竽後進之班嘗以一言不合與某給事力爭於六科廊風議侃侃諸給事究無以奪相與目憚之曰狂生云居亡何先生捐館舍予與容菴哭之慟稍稍經紀其喪執政聞之弗善也已而竟用微文出于隴右而容菴亦以人言罷歸勿勿十五寒暑矣道之云還音書濶絕竊念容菴以彼其才而抑塞摧挫之若此其飛揚豪縱之氣無所發擲是不悲吟澤畔如屈大夫之顧頡亦當如信陵公子飲醇酒近婦人以自解耳今年秋容菴寄書吳門言在田里未嘗忘此菴先生之提命也著

四書本義百五十篇出入於姚江武陵之間而於紫陽集註別有參會惜乎未得一快讀也讀其朱陸異同論辨狀如老吏之斷獄舉從來老生聚訟之常談不啻披陳根而掃荒翳嗚呼仰象山者所以尊考亭也使此菴先生而在常相視而一笑矣吾於是益歎容菴以飛揚豪縱之氣變而爲深衣褒帶周規折萬之學雖借筏於竺乾實朝宗於濂洛視夫升沉得喪可驚可愕之事舉不足以累其胸中者非天下之狂且勇其孰能當之至於琬者鹿鹿焉旣乏孟晉之資而又老逢多難身旣窮而道益不修思此菴夫子之

言未嘗不泚狀汗沾衣也三復累歎因爲之序以見
容菴之克自砥礪其不負歸門有如此兼以志予之
愧焉

紀行詩序

自公安竟陵各爲一家之言以移易天下之耳目而天下之奔走奉令執轡隸於壇坫者殆數十年然後有人焉起而爲濟南歷下之學於是天下之奔走奉令者又轉而尊之爲聖如張僕出而仁人之約盡解然一者之流弊則均也學公安竟陵者如厭粱肉而就藜藿其病爲僞佛狂易呻吟羸瘵學濟南歷下者如惡絺綌而襲狐貉其病爲支離臃腫輪菌液滿然以四海之大而謂世無詩吾不敢以爲信也以三湘七澤之饒而謂楚無人吾尤不敢以爲信也羅

子以獻家漢陽旣得山川清淑之氣而又當帆檣四
集之衝賢豪知名之士往來交錯耳濡目染其胸中
固已浩然矣今年春來游雲間雲間之能詩者無不
樂與之游余始讀其詩閱深壯濶竊疑其爲專家老
宿之所爲旣而挹其丰采又何翩翩少年也夫習尚
之移人雖中材或有不免而以獻乃能孤立行意蹀
躑於波靡之際非士之卓然自立者乎況其進方未
可量也歟將歸告別余與吳間諸子賦詩送之而以
其紀行詩若干首屬余序以獻之歸也必由洞庭背
者黃帝嘗張樂於此而虞舜二妃之冢廟在焉秋高

木脫躡屐而登焉乎帝子之遺踪聞環珮於髣髴與
夫魚龍蛟鼉之出沒烟雲風雨之變態險怪奇特紛
紜儵忽無不可寓之於詩者而以獻亦將有以自豪
焉夫如是而猶謂楚無人嗚呼其果無人也哉

吳六益詩序

一代之詩必有二三韋布之士現然特起以與卿大夫爭衡於壇坫之上若徐文長之傲兀沈嘉則之偉麗孫太初之孤峭謝茂秦之高秀豈非布衣之雄杰者乎然而覽其體製率各有所偏譬之樊噲英布之用兵雖往往以奇取勝終非韓淮陰敵也余於十五年前讀吳六益詩而異之今來雲間始有以得其爲人六益負北郭而居所居堂曰梅花書屋清溪喬水映帶前後每當橫潦載塗墻下水深至駟車馬到門穿得而見六益讀書其中意泊如也六益爲詩光洋

而其持格律爲最嚴自貞元以下之言略無足
富其意者今讀其華萃豫章諸集大抵皆行歌感慨
往來贈答與夫羈愁干役憑弔古昔之作自薦紳縫
掖至于羽人衲子以及登高陟險水餐煙宿仰宮闕
之巍峩覽邊亭之雄壯虎豹熊羆之彪獠獍之所窟
宅賓鴻哀雁沙鷗渚鷺之所叫嘯靡不見之於其詩
而虔州稿乃最後出蓋其晚年得意之作而六益亦
遂倦游以老矣庚戌夏東其先後諸稿凡若干卷統
名之曰苧菴集而屬予爲之序予曰盛矣哉是無論
布衣卽卿大夫操觚而立壇坫之上六益豈多讓哉

雖然自古文人畸士往往銳于盛年而衰于末路非才之盡氣有以累之也余與六益同年生也蹉跎憂患歎暮齒之摧頽而六益乃騷騷乎進而愈工精悍之氣不少挫何其壯哉此豈莊周所謂天選子之才以堅白鳴者耶六益笑不答遂書以貽之

董蒼水詩序

江淹之作恨賦也自王侯卿相至于美人名將備矣而于馮敬通之見抵有深惜焉蓋傷其懷才不遇被讒口而坐廢于有道之時爲可恨也予嘗尚論前史而歎夫文人才士如衍者不可勝數其或不幸而身名磨滅沒世而無聞曾不得望衍之一二者又何多也夫非其命也歟昔者孔子蓋罕言命而曰不知命無以爲君子又曰得之不得曰有命蓋君子之爲學也非徒文焉而已將以蘄至于聖人之道也蘄至于聖人之道而不知命則其處富貴貧賤也無術而後

幽憂忼懔窮愁鬱壹與夫寢驚夢噩煩冤狂易之疾
得而中之於是幽則怨鬼神而明則懟其君相古之
以高才得奇禍豈盡在上者之過哉不知命之故也
若夫沉潛好修之士則不然知夫命之不可強也放
乎山巔水涯以自娛托之詩書弋釣以送日久而造
物者亦若與之相忘焉豈惟相忘雖欲摧之戕之殺
其身而滅其名不能也由是言之是造物之權亦有
時而窮也董君蒼水家本雲間貴公子孫自其爲童
子時喜讀古人之詩畧上口卽能爲聲偶之言父師
見而叱之董君洛誦自如不少奪行年三十舉孝廉

于其鄉也居亡何江南逋賦之獄起士紳同日除名者萬有餘人而董君不幸絳名其間于是棄去帖括究極于風雅正變之故爰及漢魏下訖三唐朝藝暮塩蕭然如後門寒畯而其詩亦闕深涵演非復專家小乘所敢望或有爲董君惜者則應之曰吾于萬餘人中太倉之稊米耳嵇康不云乎以多自證以同自慰斯言也雖稱引近謔乎不可謂非知命之君子也夫司命者之有無吾不得而知也其果無耶董君之阮孰爲之而孰使之耶其果有耶則此萬有餘人者豈皆生逢磨蝎如韓愈所云然耶今

安雅堂文集

卷一

三

天子萬幾初御慨然與天下更始曩之除名並廢者稍稍見用矣而董君之貧至不能具舟楫使其在旃厦之側與二三珥筆之彥作爲歌咏播之金石雍容都雅非不斐然可觀而乃任其憔悴江湖之上未有哀劉蕡而薦賈誼者嗚呼斯非宰相之責也哉董君出其樛亭詩屬予序予才不逮董君而其見厄于司命也畧同而加酷焉不辭鄙陋而贈之以言董君蓋知命者其將有以釋予之惑乎

王季友詩序

余友王農山侍御以親老得急請既免喪上書返初服於時年始艾也家在黃浦之上將築室而老焉黃浦者楚黃歇之封邑居人稱爲春申浦浦之南爲赤松溪張子房嘗遊於此其上蓋有赤松子祠云農山有子三人皆賢而有才長籲士弱冠登賢書次子武聲藉甚諸生間而季友年最少長身玉立丰神朗奕工詩善行草人以爲有王子敬之風花晨月夕兄弟自爲酬倡農山顧而樂之爲評次其高下得失往往夜分乃罷門以內雍雍如也季友慕司馬相如之爲

人以高貲入爲太學上舍因得縱觀夫辟雖宮闕羽
旄千戚騶虞狸首周旋揖讓之盛作爲咏歌聞於輦
轂自祭酒以至公卿大夫咸折節而敬禮之車馬到
門無虛日僉曰農山有子矣今年夏余來雲間季友
自黃浦挈舟而至用父執禮謁余於客館旦日以其
詩來再拜而請曰願先生有以教之嗟乎父執之禮
自東漢已不可行而季友乃謙謙卑牧冲然欲復諸
古何恭且勤若是夫非父兄之教而能然歟辭讓再
三不獲請乃告之曰詩自漢魏以迄有唐其物采備
矣其轂率章矣譬之於書邶鄘淳之於古文史猶程

邈之於大小篆蔡邕毛弘之於八分張伯英之於草
書羲獻父子之於行楷莫不自成一家深造于能事
之精微後之人或欲易其波磔點畫則人將從而笑
之然此數君子者其氣魄已銷亡矣其法雖存其巧
不可得而傳也故昔之善學書者至于發冢嘔血廢
眠食濡毛髮以求之猝然有得變化乃生陽開陰闔
雷興電逝山嶽之崩頽日月之薄蝕舉不足入其胸
中而後蛟龍神怪出沒于吾之指端而作者不自知
也夫一藝之成非專精且不能至而況于詩乎今季
友之詩已卓然名家而於臨池尤甚精觸類而進之

日新而不知止則二者之長古人未知其孰勝也小
宛之卒章曰我日斯邁而月斯征言歲月之易流也
吾固願季友之終勗之也書諸冊並以告於其兄農
山覽之當所然一笑也

周厲丞詩序

予嘗讀唐人詩而考其姓名爵邑其間父子相繼有詩名者三數人而已神龍天寶之際言官閥者必曰燕許然而昌黎之才不逮廷碩主爵末年隳其家世君子不無遺憾焉大曆以降則有扶風寶氏叔向之子厥有五人一門著述號曰聯珠惜其篇什散亡存者止于數首夫以一代之興至於三百餘年之久而文章不能以再傳豈史官之失其寔歟或以兵戎水火之故而其遺篇家乘遂湮沒而無稱歟抑富貴福澤造物者反不甚惜而顧於生才有獨吝歟何若是之

難也哉吾友周君釜山少而詩名聞海內後與余同爲鄖京師則相與往來賦詩每一篇出吾儕皆遜謝以爲不及而釜山有子鵬垂方在羈貫之年間嘗誑客以其詩雜釜山集中讀者竟無以辨旣而知之輒驚顧歎服鵬垂由是知名於京師今釜山之罷括州近十年矣杜門却輶日以著書爲娛歲月寢久篋笥幾爲之滿而鵬垂之詩乃益工陶燕老將之雄奇三河少年之俊邁吾未能爲之軒輊也昔王獻之少時學書父羲之密掣其筆不得歎曰此兒後當復有大名及見謝太傅問曰君書法何如君家尊答曰故嘗

不同謝曰外論不爾答曰外人安得知由是觀之人
之好名雖父子亦有不讓者焉夫人之用其才也如
水火然其始發也滂然熾然不俄頃而有澎湃鬱攸
之勢者夫非其氣使之然歟鷹垂負卓犖偏人之材
而又漸摩于庭訓之久英華果銳之氣夫孰得而禦
之僕老矣交其兩世私幸吾友之有子而復髦髦焉
爲釜山計者慮夫齒髮之向衰後來者之遽出其上
也釜山顧余而笑曰嗟乎孺子患不傳耳審如子言
老夫姑願三舍避之相與狂呼命酒痛飲至醉醒而
書其語爲序云

趙雙白詩序

十閩山水不列于禹貢而周禮職方氏亦未之載故其幽深靚邃蜿蜒湍激之奇視中州尤爲夔絕士生其間多現偉雄特之姿踴躍焉孤行一意百折而不回發爲文章亦復高堅寡兀去蹊徑而寡町畦識者覽之不終卷而知爲閩人之文也惟其辭尚詘曲往往雜用方言引商刻羽自以爲工矣而審其音節不無綿蠻鉤輈之病甚哉風土之足以閩人也趙君雙白閩產也攜其妻子避兵于雲間家焉窮愁羈旅爲詩歌以自娛酒酣出以示人人都未之奇也甚且摘

其一二驚人語相警激爲其不合于古人繩度者雙
白聞之不屑也一日從友人所得冷齋堂詩數篇讀
之擊節再四曰此必閩人所爲而間以吳音何也客
大驚具言所以旣而曰子之審音誠辨矣敢問雙白
之詩中古人之繩度者何等也時方食諫果余乃舉
以示客曰子知夫此果之爲美乎考其寔亦閩產也
名不見于神農之書味不適乎酸鹹之宜與夫蕉漿
荔子包甌而走千萬里之外當其猝然相遇大若有
不可於口者及乎鼎俎旣撤夕酒初醺雖熊蹯鹿臠
方且饜飫吐棄之不服而此果一餐再啖潏然清涼

不知宿醒之已解也然後知酸鹹之外有真味焉其
去蔗漿荔子也遠矣知此味者方可以論雙白之詩
零唯唯而退遂書其語爲序

沈伊在詩序

今人談藝事者輒稱石田沈先生云二百年來得其寸縑尺素珍如拱璧而先生之詩尤蒼涼高潔卽其幀首數言似絕不經意者而匠心慘澹思在筆前猶有五日一山十日一水之致蓋先輩之托一藝以成其名其不苟如此余嘗僑寓吳門欲求先生之遺跡往往以偽亂真卽其子孫里巷亦茫然不可復問矣今夏偶到虎丘見一人朗朗如玉山方踞千人坐上鼓琴新月初弦驚禽戛戛起林木間罷彈問訊方知其爲白石翁之苗裔也質明造廬則蕭然環堵耳繩

牀梨几花香竹影因出其家藏遺墨與所自爲畫縱觀之兩壑煙巒大都如出一手已而讀其詩又何端妍幽官也嗟乎書畫雖小技乎古人往往觸類而益進張旭之于蛇鬪右軍之於鵝羣是已石田先生善琴與否吾不得而知然而覽其篇什似得力於山水景物之助者今沈生之詩有琴之心哉夫琴之爲物至於感頑艷格鬼神非細故也然而履霜之操麥秀之歌率皆攄寫性情撫絃立就非若後之人規規墨墨求索于譜上之宮商也夫琴有琴譜而琴亡猶之詩有餽體而詩亡也沈子得吾說而存之捨糟粕而

臻神詣卽祖武亦有不必盡範者袖毫則風雨皆飛
動操則衆山欲響吾何山以應樂所至哉沈子曰善趣
命進酒爲鼓一再行而別

稽石二生倡和詩序

往歲庚子遇稽留山於吳門紅顏曰哲順狀少年也
聆其言論嶽崎磊落無愧中散之苗裔時余方持節
山陰與留山約扁舟相訪登會稽而上禹穴庶幾更
唱迭和於蘭亭若耶之間致足樂也已而留山不果
來余亦旋以他事解官勿勿八九年矣今歲戊申再
見留山於湖上相與握手欷歔如造夢寐問事及讀
其與書城石子倡和之作一何風流弘長工力悉敵
之若是耶夫唐人倡和之盛無過元白吾正少其聲
情太似如出一人之手耳夫樂稱韶濩和之至也狀

而笙鏞磬筦不一其器考擊搏拊不襲其音故曰琴瑟之專一孰能聽之二子之詩離而未始不合斯所以爲大雅之音也歟余也放逐餘生與湖山若有夙昔之緣而又得與留山風雨過從縱一艇於南屏北高烟波杳靄之際蠟屐所至欲爲詩以紀之有倡斯和請自今始天其或者有意使補蘭亭若耶會稽禹穴之缺而需之八九年之後歟若石生者惜乎未見其人也留山其能招之使來乎余且載筆俟之矣

杜伶詩序

嘗讀詩至簡兮之章嘆當時賢人君子隱於伶官雖
執籥秉籥而有佯狂玩世之意焉至於漢之李延年
唐之雷海青五代之敬新磨皆以恢諧游戲身在日
月之際而海青尤以節烈著嗟乎世風日降士大夫
往往高談名義而一旦臨之以利害遂至東西易面
喪失其所以爲心彼胡粉塗面者方從而笑之可慨
也夫杜伶者籍本餘姚幼而慷慨有奇氣讀書不得
志混跡於諸伶之間每當廣筵通肆一發聲若出金
石至其摹寫古人忠孝節義故臣俠士無不逼肖其

性情千載下如見其人常演蘇典屬國繫書雁足一
劇觀者無不欷歔泣下信一時之絕技也余守紹時
曾爲寓目歎賞不幸罹舍沙之謗幾中危法僅而不
死復來湖上正如邯鄲盧生初從雲陽市上得遇金
雞之赦杜伶爲我一再奏之輒哽咽不能終曲而罷
嗚呼以視何戡之三疊渭城爲何如哉及覽其所爲
詩數十首洋洋灑灑自成一調且有悲憤無聊激昂
不平之感雖寄托不同要亦簡兮之遺意也昔王龍
標與諸名士飲於旗亭諸伶人方歌絕句至秦時明
月與黃河遠上三詞相與大笑狂呼至今以爲美談

余愧無佳味爲梨園子弟所傳而以放逐餘生聞遇
雲淥水之曲於烟波杳靄之間亦足樂而忘憂已遂
書以貽之